



26. juli 2011

Inatsisartut Suleriaasianni § 37 naapertorlugu Naalackersuisunut apeqqut imaattoq matumuuna saqqummiuppara:

Naalackersuisunut apeqqutit:

1. **Najugaq qimannagu inunnik isumaginnittunngorniarnermik ilinniagaqalerusullutik qinnuteqartartut ukiumut qassiusarpat?**
 - a. **Najugaq qimannagu ilinniartitaasarnerup ukiup aallartiffianiit kisitsisit takusutissiarineqarnissaat kissaatigaara**
2. **Najugaq qimannagu inunnik isumaginnittunngorniarnermik ilinniagaqarusuttut qassit ukiumut inissaqartinneqarpat?**
3. **Najugaq qimannagu inunnik isumaginnittunngorniarnermik ilinniagaqarusuttut 20-inik ilaneqassappata suut ilinniarfimmi avatangiisinut naammassineqareersimasappat?**
4. **Najugaq qimannagu inunnik isumaginnittunngorniarnermik ilinniagaqarusuttut 20-inik ilaneqassappata aningaasartuutissaat qanoq annertutigisut naatsorsuutigineqarpat?**
5. **Najugaq qimannagu inunnik isumaginnittunngorniarnerusullutik qinnuteqartut ukiumut qassit itigartinneqartarpat?**
 - a. **Najugaq qimannagu ilinniartitaasarnerup ukiup aallartiffianiit kisitsisit taktitassiarineqarnissaat kissaatigaara**
6. **Qinnuteqaraluarlutik itigartinneqartut suut peqqutigalugit itigartinneqartarpat?**
7. **Qeqqata Kommuneani ilinniakkamik aallartitsiniarlutik utaqqisinneqartut 20-it missaaniittut Naalackersuisunit ilisimaneqarpat?**
8. **Apeqqut Nr. 7-imi akissut ilisimaneqarpat, suut peqqutigalugit 20-it ilinniakkaminni aallartitserusuttut utaqqisinneqarpat?**

(Inatsisartuni ilaasorta, Ruth Heilmann Siumut)

Tunnqavilersuut:

Aprilip qaammataani Naalackersuisuni ilaasortat pingasut Maniitsumi innuttaasunik ataatsimiititsineranni paasitinneqarpugut Maniitsumi najugaq qimannagu inunnik isumaginnittunngorniarnerusullutik qinnuteqarniartut 20-t sinnerlugit qujanartumik amerlassuseqalersimasut.

Tamannalu Naalackersuisut malunnarpoq kissaatigigaat arlaatigut piviusunngortinniarneqartariaqartoq.

Siumumit isumaqatigilluinnaratsigu matumuuna nalunaarutigaarput.

Ukiut siulianni Sisimiuni aallartittut ukiamut naammassisussaapput. Taamatut ilinniagaqartunik aallartitsisoqarmat Maniitsumi nunaqarfinilu taamatut kissaateqartut peqataatinneqarsimanngillat, tamanna ajuusaarnartuuvoq. Tassami Maniitsumi inunnik isumaginnittut ilinniarsimasut assut aamma amigaataasartut nalunnginnatsigit siunissamilu ilinniarsimasunik pisariaqartitsineq mikinerulernaviangitsoq nalunatigu.

Inuiaqatigiinni inunnik isumaginnittut ilinniarsimasut atorfissaqartinneqaqaat Utoqqaat illuini, Meeqperivitsialammi, Ulloq unnuarlu angerlarsimaffinni, Sunngiffimmi atuartitsinermi,



SIUMUT INATSISARTUNI ILAASORTAATITAT / LANDSTINGSGRUPPEN

Innarluutilinni sullissinermi, Ilaqutariit siunnersorneqarneranni aamma Atuarfinni Ilinniagarfinnilu pisariaqartitaalluinnartuupput.

Paasisara naapertorlugu aamma Qeqqata kommunia tapersersuumasimavoq Naalakkersuisut aningaasaliissuteqassappata, taamatut tunngavilersuuteqarunga apeqquteqqtima akineqarnissaat kissaatigaara.